

MINISTARSTVO UNUTRAŠNJIH POSLOVA KANTONA SARAJEVO – UPRAVA  
POLICIJE, La Benevolencija br. 16, koju zastupa policijski komesar, Generalni inspektor  
policije Fatmir Hajdarević, (u daljem tekstu Ugovorni organ)

i  
OLYMP SPORT d.o.o. Banja Luka, Bulevar Vojvode Živojina Mišića br. 10, 78000 Banja  
Luka, ID broj: 4403414040006, kojeg zastupa direktor Dejan Tubić, (u daljem tekstu:  
Dobavljač)

zaključili su:

## UGOVOR O NABAVCI OPREME ZA OBUKU I SPORTSKI TRENING

### Član 1.

Predmet ovog ugovora je nabavka opreme za obuku i sportski trening za potrebe Uprave policije  
Ministarstva unutrašnjih poslova Kantona Sarajevo.

Nabavka je izvršena putem konkurentskog zahtjeva za dostavu ponuda, na osnovu odluke broj 02-  
11-4-4646/26 od 29.07.2026. godine.

Ugovor se zaključuje u skladu sa uslovima iz tenderske dokumentacije, ponudom Dobavljača i  
stvarnim potrebama Ugovornog organa.

Ponuda dobavljača broj 510 od 03.08.2026. godine sastavni je dio ovog ugovora.

### Član 2.

Ukupna vrijednost ovog ugovora iznosi 11.507,49 KM (jedanaest hiljad pet stotina sedam i 49/100)  
bez PDV-a.

Dobavljač se obavezuje na nepromjenjivost ponuđenih cijena tokom cijelog ugovorenog perioda.

### Član 3.

Dobavljač se obavezuje da će u roku od deset (10) dana od dana obostrano potpisanog ugovora  
dostaviti garanciju za uredno izvršenje ugovora u obliku безусловne bankarske garancije u iznosu  
od 5% od vrijednosti ugovora sa klauzulom plativo na prvi pisani poziv korisnika garancije i bez  
prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje ugovora nije dostavljena na propisan način, shodno  
uslovima iz tenderske dokumentacije i u roku koji je odredio ugovorni organ, zaključen ugovor će  
se smatrati apsolutno ništavim.

Garancija za uredno izvršenje ugovora realizuje se u slijedećim slučajevima:

- u slučaju raskida ugovora krivnjom Dobavljača zbog kršenja odredaba zaključenog ugovora, pod  
uslovom da je prethodno pismeno obaviješten o svakom propustu da postupi po ugovoru i da u  
ostavljenom roku nije izvršio ispravku takvih propusta;
- u slučaju otkazivanja ugovora od strane Dobavljača prije isteka roka na koji je isti zaključen, pod  
uslovom da razlog za otkaz nije nastupio kao posljedica kršenja odredaba ugovora od strane  
Ugovornog organa.

### Član 4.

Dobavljač se obavezuje da ugovorenu isporuku predmetne robe izvrši u roku do 30 (trideset) dana  
od dana obostranog potpisivanja ugovora. Uz isporučenu opremu dobavljač je dužan dostaviti i  
uputstvo za upotrebu.

Sve troškove isporuke do primopredaje, kao i troškove reklamacije snosi Dobavljač.

Isporuka robe montaža, instalacija, testiranje i puštanje sprava u rad će se izvršiti na adresi  
Ugovornog organa.

Dobavljač se obavezuje da ugovorene obaveze izvrši stručno, pravilno i kvalitetno, u skladu sa  
važećim tehničkim propisima, standardima i zakonima.

### Član 5.

Prilikom isporuke robe koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve primjedbe na izvršenu isporuku će biti konstatovane u zapisniku.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Ovlaštene osobe ispred ugovornih strana će biti određene i strane međusobno obavještene o tome, u roku od 10 (deset) dana od dana potpisivanja ovog ugovora.

### Član 6.

Dobavljač se obavezuje priznati reklamaciju na kvantitet i kvalitet isporučene robe, koja će biti proračunata zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka. Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje ugovorenih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

### Član 7.

Garantni rok na isporučenu opremu je minimalno 24 (dvadesetčetiri) mjeseca i počinje teći od datuma instalacije i puštanja u rad. Dobavljač garantuje da je roba nova, nekorištena i da je u skladu sa tehničkim specifikacijama koje je postavio Ugovorni organ.

Dobavljač se obavezuje da će isporučena roba biti potpuno nova, fabrički zapakovana, montirana bez materijalnih i pravnih nedostataka te da odgovara za svrhu za koju treba da se koristi, da će ista ispravno funkcionisati kako je to navedeno u tehničkoj specifikaciji proizvođača.

Dobavljač garantuje da sva isporučena oprema posjedovuje fabričku klasifikaciju klase S (Studio/Komercijalna) prema standardu EN ISO 20957 (ili ekvivalentu), čime se potvrđuje da je bezbjedna za svakodnevnu intenzivnu upotrebu uposlenika Ugovornog organa - Uprave policije. Svi tehnički uređaji i kardio sprave posjeduju važeće CE certifikate o bezbjednosti (ili ekvivalent), koje je Dobavljač dostavio.

U toku garantnog perioda Dobavljač je dužan da na poziv Ugovornog organa o svom trošku otkloni sve nedostatke robe.

Ukoliko se oštećenja i nedostatci pokažu za vrijeme trajanja garancije, Ugovorni organ bez odlaganja o tome obavještava Dobavljača.

Dobavljač se obavezuje da će poštovati sve garantne uslove, a u toku trajanja garantnog perioda. Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

### Član 8.

Garancija iz člana 7. pokriva sve strukturne lomove, fabričke greške, greške u materijalu, radu elektronike, prenosnih mehanizama i računara na opremi i kardio spravama pri redovnom korištenju opreme. Dobavljač se obavezuje u toku garantnog perioda na pismenu prijavu kvara odgovoriti i poslati stručno lice radi defektaže kvara na lokaciji Kupca u roku od maksimalno 48 sati od momenta prijave.

Dobavljač je dužan otkloniti kvar u roku od maksimalno 15 (petnaest) dana od dana izvršene defektaže. Ukoliko kvar nije moguće otkloniti u roku od maksimalno 15 (petnaest) dana, Dobavljač je dužan ugovornom organu obezbijediti zamjensku spravu adekvatnih tehničkih karakteristika do konačnog otklanjanja kvara, ili će se garantni rok produžiti za onoliko dana koliko je sprava/e bila van funkcije. Dobavljač garantuje dostupnost originalnih rezervnih dijelova i servisne podrške za isporučene kardio sprave u periodu garantnog roka.

#### Član 9.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

#### Član 10.

Ugovorni organ će ugovorenu cijenu platiti Dobavljaču u roku od 30 (trideset) dana od dana uredno izvršene isporuke robe i dostavljanja uredne fakture, na račun Dobavljača.

#### Član 11.

Dobavljač je dužan naknaditi štetu koja nastupi iz djelovanja ili propuštanja Dobavljača u izvršavanju ovog ugovora.

#### Član 12.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

#### Član 13.

Dobavljač nema pravo zapošljavati, u svrhu izvršenja ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga ugovora, odnosno od početka realizacije ugovora.

#### Član 14.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Ugovorne strane su saglasne da svaka strana može jednostrano raskinuti ovaj ugovor i zadržati pravo na naknadu štete zbog raskidanja ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);

- ako Dobavljač dođe u situaciju da ne može ispoštovati ugovor (stečaj, likvidacija i sl.);
  - ako neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane;
  - ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.
- Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku.

#### Član 15.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

#### Član 16.

Eventualno nastale sporove pri realizaciji ovog ugovora, Ugovorne strane će rješavati sporazumno, u duhu dobrih poslovnih odnosa i međusobnog povjerenja. U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.


#### Član 17.

Ugovor stupa na snagu danom potpisivanja ovlaštenih predstavnika i traje do realizacije ugovorenih obaveza ugovornih strana, odnosno do izmirenja dužničko-povjerilačkih odnosa.

#### Član 18.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ  
OLYMP SPORT d.o.o. Banja Luka

  
direktor, Dejan Tubić



Broj: 258/26

Datum: 04.09.2026



Broj: 02-11-4-4646-7/26

Datum:

04-09-2026